

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Մայա Հովիկի Անտոնյանի վերաբերյալ նյութերը.

Պ Ա Ր Ձ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները իրականացրել են արտագնա մաքսային ստուգում «ԷԼՔՈՐ ԴԻՍԹՐԻԲՅՈՒՇՆ» ՍՊ ընկերությունում և «ԷԼՔՈՐ ԴԻՍԹՐԻԲՅՈՒՇՆ» ՍՊ ընկերության անվամբ թիվ 05100010/221220/0085061, 05100010/270121/0002629, 05100010/100421/0018888, 05100010/250521/0029308, 05100010/070721/0040350, 05100011/190721/0023782, 05100010/190821/0050677, 05100010/150921/0056481 ապրանքների հայտարարագրերով «Բացթողում ներքին սպառման համար» ընթացակարգով ԵԱՏՄ ԱՏԳ ԱԱ 8521 90 000 9 ծածկագրով հայտարարագրել է «Հեռուստացույցի սմարթ տուփ» նկարագրով «XIAOMI PFJ4086EU» և «XIAOMI PFJ4098EU» մոդելների ապրանքատեսակները՝ ծածկագրի վերաբերյալ ոչ ճշգրիտ տեղեկություններով:

Արտագնա մաքսային ստուգման ժամանակ կատարված ուսումնասիրությունից, «ԷԼՔՈՐ ԴԻՍԹՐԻԲՅՈՒՇՆ» ՍՊ ընկերության կողմից ապրանքների վերաբերյալ ներկայացված տեխնիկական բնութագրից պարզվել է, որ նշված ապրանքատեսակները հանդիսանում են «Էլեկտրոնային սարքավորում (դյուրակիր մեդիա նվագարկիչ) հեռակառավարման վահանակով, կազմված է՝ մեկ ընդհանուր տուփում տեղադրված էլեկտրասնուցման բլոկից, հիշողության մոդուլով պրոցեսորից, Ethernet controller և անլար կապի մոդուլից, չի պարունակում վիդեո թյուններ, ունի HDMI, USB բլոկներ», ուստի համապատասխանում են ԵԱՏՄ կոդեֆայի 01.06.2021թ. թիվ 61 որոշմամբ սահմանված չափանիշներին և ենթակա են դասակարգման ԵԱՏՄ ԱՏԳ ԱԱ 8528 71 910 0 ծածկագրով:

ՀՀ ՊԵԿ մաքսային հսկողության վարչության «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» 08.11.2021թ. թիվ ԱԴՈ-21-000096 որոշման համաձայն՝ «XIAOMI PFJ4086EU» և «XIAOMI PFJ4098EU» մոդելների սարքավորումները հանդիսանում են «Հեռուստատեսային կցորդ» և ԱՏԳ ԱԱ մեկնաբանման հիմնական 1-ին և 6-րդ կանոնների համաձայն դասակարգվում են ԵԱՏՄ ԱՏԳ ԱԱ 8528 71 910 0 ծածկագրով (մաքսատուրքի դրույքաչափ՝ 10 %):

Իրականացված արտագնա մաքսային ստուգման արդյունքում 10.11.2021թ. կազմվել է թիվ 0077-Ա ստուգման ակտը և «ԷԼՔՈՐ ԴԻՍԹՐԻԲՅՈՒՇՆ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները՝ մաքսատուրքի գումար 453346 ՀՀ դրամ և տույժի գումար՝ 59481 ՀՀ դրամ: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Նյութերի ուսումնասիրման արդյունքում պարզվել է, որ 05100010/221220/0085061, 05100010/270121/0002629, 05100010/100421/0018888, 05100010/250521/0029308 ապրանքների հայտարարագրերը ներկայացրել է Մայա Հովիկի Անտոնյանը: 2021 թվականի նոյեմբերի 23-ին ապրանքի ծածկագրի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում Մայա Հովիկի Անտոնյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության

հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Մայա Հովիկի Անտոնյանը ծանուցվել է վարչական վարույթի մասնակցության մասին, վերջինս ներկայացել և հայտնել է, որ առարկություններ չունի:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է: Սույն հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար: Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 2-րդ մասի համաձայն՝ իր գործունեությունն իրականացնելիս

մաքսային ներկայացուցիչն իրավունք ունի իր կողմից ներկայացվող անձից պահանջելու մաքսային գործառնությունների իրականացման համար անհրաժեշտ, այդ թվում՝ առևտրային, բանկային և օրենքով պահպանվող այլ գաղտնիք կազմող տեղեկատվություն կամ այլ գաղտնի տեղեկատվություն պարունակող փաստաթղթեր և տեղեկություններ, և այդ փաստաթղթերն ու տեղեկություններն ստանալու այնպիսի ժամկետներում, որոնցով ապահովվում է սույն Օրենսգրքով սահմանված պահանջների կատարումը: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ: «Մաքսային կարգավորման մասին» ՀՀ օրենքի 27-րդ հոդվածի 2-րդ մասի համաձայն՝ մաքսային ներկայացուցչի և հայտարարատուի կամ նրա լիազորած անձի միջև հարաբերությունները կարգավորվում են նրանց միջև կնքված պայմանագրերով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ Մայա Հովիկի Անտոնյանին տրամադրվել են անհրաժեշտ փաստաթղթերը, որոնցում նշված է եղել տեղեկատվություն ապրանքի նկարագրության, ծածկագրի և բնութագրական հատկանիշի վերաբերյալ, մինչդեռ վերջինս նշված ապրանքի համար ընտրել է ոչ ճիշտ ծածկագիր, ինչպես նաև վերջինս որպես մաքսային ձևակերպումների մասնագետ կարող էր ընկերության տրամադրած փաստաթղթերի ուսումնասիրությունից պարզել ապրանքի նկարագրությունը, նպատակային նշանակությունը, տիրապետել իրավական ակտերին և պետք է միջոցներ ձեռնարկել համապատասխան ծածկագրով դասակարգելու համար: Միաժամանակ, վերջինս ծածկագրի ընտրության ժամանակ պետք է առաջնորդվեր ԱՏԳ ԱԱ մեկնաբանման հիմնական 1-ին և 6-րդ կանոններով, ինչպես նաև ԵԱՏՄ կոլեգիայի 01.06.2021թ. թիվ 61 որոշմամբ սահմանված չափանիշներով, որոնց համապատասխան նշված սարքավորումները հանդիսանում են հեռուստացուցային կցորդներ և ենթակա են դասակարգման ԵԱՏՄ ԱՏԳ ԱԱ 8528 71 910 0 ծածկագրով:

Մայա Հովիկի Անտոնյանը 2021 թվականի դեկտեմբերի 21-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ

նախագգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, գործի նյութերով պարզվել է, որ ՀՀ-ում գործող «ԷԼՔՈՐ ԴԻՍԹՐԻԲՅՈՒՇՆ» ՍՊ ընկերության անվամբ թիվ 05100010/221220/0085061, 05100010/270121/0002629, 05100010/100421/0018888, 05100010/250521/0029308 ապրանքների հայտարարագրերով ՀՀ տարածք ներմուծված և փաստացի ԵԱՏՄ ԱՏԳ ԱԱ 8528 71 910 0 ծածկագրով հայտարարագրման ենթակա ապրանքը մաքսային ձևակերպումների մասնագետ Մայա Հովիկի Անտոնյանը հայտարարագրել է ոչ ճշգրիտ ծածկագրով, ինչի հետևանքով առաջացել են 69797 ՀՀ դրամի չափով պակաս հաշվարկված մաքսային վճարներ, այսինքն՝ Մ. Անտոնյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության «Ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ» 08.11.2021թ. թիվ ԱԴՈ-21-000096 որոշմամբ, 10.11.2021թ. թիվ 0077-Ա ստուգման ակտով, թիվ 05100010/221220/0085061, 05100010/270121/0002629, 05100010/100421/0018888, 05100010/250521/0029308 ապրանքների հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Մայա Հովիկի Անտոնյանին (նույնականացման քարտի համար՝ 012730560) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել 34898 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Մ. Անտոնյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ